

靈巖語屑

維摩精舍叢書  
之四 商衍濬題



靈巖語屑

維摩精舍叢書  
之四 商衍濬題



圖書在版編目(CIP)數據

靈巖語屑／袁煥仙講述，南懷瑾等整理．——上海：

上海書店出版社，2016.1

(維摩精舍叢書)

ISBN 978-7-5458-1215-2

I. ①靈… II. ①袁… ②南… III. ①大乘—佛經—  
研究 IV. ①B942.1

中國版本圖書館CIP數據核字(2015)第316878號

靈巖語屑目錄

一壬午輯

二尺素

三雜章

四醉後之光

五靈巖訪問記

維摩精舍叢書之五

靈巖敎玉倚

无墨署

版存成都  
維摩精舍

鹽亭袁煥仙先生肖像



靈巖語屑序

笑岑  
曰鹽亭

袁夫子煥仙掩關靈巖諸方以函候或面存者實繁  
有徒凡所酬答同學輯之曰靈巖語屑靈巖者唐天  
竺僧阿耨多尊者道場錦城西勝地也位灌縣城後  
十里諸峯聳蔚俯瞰萬流極趣清幽夫何語哉且屑  
屑也蓋常聞諸

夫子曰至道無言然非言而至道莫顯苟通其至曾  
子所謂言滿天下無口過者也若然雖有廣長舌焉  
徧覆三千大千世界寂然無聲矣無聲而言故曰屑

曰詩曰聯曰偈曰書簡等要皆水月鏡花一時假現  
讀者但識斯名至道也孔也釋也老耶回莊也盡空  
有偏塵刹無疾而呻矣謹序

門人內江冷笑岑敬序

中華民國三十三年 月 日

靈巖語屑

鹽亭袁煥仙先生法語

溫州南懷瑾

編輯

門

廣漢楊光代

編輯

南充徐劍秋

編輯

峨山大坪寺釋通寬編輯

內江伍心言

校訛

內江伍所南

校訛

人

西充楊覺

校訛

華陽呂寒潭

校訛

內江曾鶴君

校訛

潼南田肇圃

校訛

曹溪南華寺釋曼達校訛

峩山大坪寺釋通遠校訛

簡陽汪克成

繕稿

一壬午輯

懷瑾曰壬午煥師掩關靈巖

懷瑾

卸職往彼棲止值

師忌語朋從我思繁興我疑無由啟廸敬友釋通寬

曰余以若意稟師求筆答如何

懷瑾

喜而合十曰可

可因稟師忌語則筆示非忌語則口授煥師領之數

十日中遂成巨帙今茲搜篋殘簡尙存少許猶可擇  
讀也其言顯其義幽其理約其事質吁此千聖之心  
燈入德之梯航也敢曰自私爰出鴻爪饗我同仁餘  
尙有近體小詩七絕十首寓言勝義醒悟來機又今  
古之絕唱者也誠恐小見狐疑貽陋者泥滯之誤至  
令醍醐上味化爲毒劑故不錄出顏曰壬午輯輯曰  
問懷瑾朝夕孜孜百無所寄祈先生示個歸家  
坦途入道捷徑

先生筆答曰驀直不怠卽是坦途曰二曰三允非捷  
徑

問直捷下手工夫義當何先邁向歸家道路車  
從何轡

先生曰汝但外捨六塵內捨六根中捨六識而不作  
捨不捨想自然頭頭上明物物上顯途中卽家舍家  
舍卽途中也捷莫捷於斯先莫先於斯三乘共載一  
德同該今古徹門莫尙乎是

問何云六根何云六塵何云六識

先生曰石頭卽六根柱子卽六塵琢棒卽六識

問先生如此漫言學人不會

先生曰如此漫問誰要汝會

問教云眼耳鼻舌聲意六根對色聲香味觸法  
六塵根塵相接所生眼耳鼻舌聲意等之識別  
曰六識今日六根卽石頭六塵卽柱子六識卽  
琢棒無乃大違教義言不該典歟

先生色然不悅忿然握管書曰汝旣已明了教義貫  
通道理卽自解脫可也何投吾處絮絮叨叨於是擲  
筆寂然在定

懷瑾

無語潛退

翌日再參問旣不許作如是道理會然則學人  
淺機從何得入

先生曰汝是何年何月何時何地出的

懷瑾無語久之

先生曰既未出入何爲出入既無當下一派圓成誰是淺機誰爲深學咄無疾而呻無病而藥釋迦老子亦救汝不得也

問學人於此上不得下不得取不得捨不得盡平生力忘不得計不得祈師慈悲方便接引

先生曰好好恐汝雖如此說未到此地果屈此也恭喜賀喜好消息將到矣諦聽諦聽當人於此千萬不可退步不必作必悟想不必作不悟想不必想不必不想行時坐時醒時眠時朋友交接時妻兒子女會

合時但略略管帶自然罈子內走不脫繫

問學人疑情不起奈何

先生曰只爲你要信信不立疑何馭疑信兩忘復是何物此第一徹頭也千萬莫要放過

問疑信兩忘就學人分上檢之卻無一物

先生曰瞎漢說卻無一物者是有一物邪無一物邪好看好看此釋迦老子三世諸佛及一切賢聖入德之門也這個徹頭盡大地是我口都讚不及慎勿失之交臂

問聞諸同參疑情有二一麤二細云何曰麤

先生曰朝天玉樹春千尺

問如何曰細

先生曰帶笑宮花月二分

問學人機淺祈師如學究訓蒙童如俗而說如  
理而說覲面直提開我迷昧

先生曰如此直截何用肆口鼓簧恣情搖舌必欲飲  
此一杓惡水余豈借他諦聽諦聽如有一問題欲決  
擇而不能決擇心懸懸如搖旌曰麤無一事一理不  
了知無一事一理不決擇無一事一理可尋思自心  
空廓眼所見處澄然常寂樂趣橫生根塵與識自心